

中國方志叢書·華中地方·第三八三號

據

民國·湯化培修，李鼎禧纂
民國十七年石印本

影印

四川省

長壽縣志

(一)

成文出版社有限公司印行

重修長壽縣志總序

昔司馬子長繼春秋作史記敘帝王之事則有本紀錄賢臣之行則有列傳明制度則有八書系年世則有諸表自五帝以迄孝武歲月久遠事類綦繁纂輯成編珠聯玉貫其才其志足以包舉鉅細不爽纖毫而條理秩然無重複散漫之嫌流綴驕駁之病後世史家奉為主臬宜矣夫撰著國史貴有體要即志一縣亦莫不然以縣志固一縣之史也長壽縣志失修者垂六十年中經反正文獻蕩然故家喬木無可徵詢倉庾試場半成瓦礫士民之所聚族神社之所躋芋觚園蔬圃竟為戎馬之場雉

堞麗譙不復風雨之蔽而人事滄桑漫無友紀軍旅胡越日肆
憑陵民之宛轉呼號而莫之救者目擊同悲焉更何有於徵文
考獻陳詩觀風乎加之者苟淪亡新潮全涌咫聞之士動肆糾
彈舉凡曩昔之所褒揚而矜式者未不土苴而糞壤矣至若先
王禮教已成風習前聖典籍相與絃誦者馴且弁髦同科高閣
束之矣五紀陵夷斯文墜地此志士之所拊膺而長太息者也
鼎祚不佞謬承重役纂輯邑乘義無可逃竊本會稽章氏方志
寬於史傳之旨蒐討不厭求詳文義不尚高簡體例悉從通式
但於前志太嬾者增益之繼起者著錄之稍蕪者芟薙之又前

清末葉各縣有鄉土志之修葺其主旨在採綴軼聞興起愛國
故山川陳迹例所不重先正藝文亦所不登詳畧殊途鯨簡異
趣以當方志容有未周故鼎禧料量幅度稽檢篇目頗厯星霜
甫經脫手始定凡例亦復有所張弛且事出一手固無道謀之
虞而責在匹夫豈免絕續之慮兼之侈口者易為言旁觀者輕
其事以謂咄嗟可以立辦公帑不須多籌甚有疑粗識文字可
以成功滿目瘡痍無煩紀載者是皆以蠡測海因噎廢食之見
也鼎禧貿然從事窒漏實多際茲民生彫敝之餘乃為虛糜廩
粟之計知我罪我所不辭已

民國十七年三月邑人李鼎禧序於長壽縣前鳳山書院

長壽縣志原序

長邑志宜續修也久矣遭明季之亂燬於火板籍蕩然無存至
清朝世祖章皇帝恭承天命經綸四海景運聿新遞及聖祖仁
皇帝握鏡臨宸黜武功崇文教勅徵天下郡縣志來以備輯軒
之採邑李廉王鹿田李傳一先生應詔纂輯其時老成凋謝考
核無徵祇於風雨銷磨之餘搜羅斷簡殘編竭力考訂并就耳
所聞目所見者編次成書規模粗具嗣蓉湖薛公蒞任斯土復
與邑人士加意校讐更訂考正付諸梨棗一切山川疆域物產
田賦人物古蹟沿革建置分野開方輿夫衣冠文物之倫井然

可觀時康熙五十三年事也厥後迭經兵燹士民困苦修志之事未遑計及道光二十三年渝州重修郡志邑貢生余洋將邑志編輯彙付郡採以校核無人協修鮮助潦草成帙二十四年邑士李雲喬戴幼泉任香湄續加彙纂又以經費無措未歸完備同治甲戌冬余奉檄來長披閱舊志見夫職官政蹟選舉科名封蔭薦辟以及歷年殉難殉節忠臣義士孝子烈婦貞女與夫營伍增損學額加廣暨人物之可傳藝文之特著者類皆缺然未經記載已歷百有餘年有心人感慨繫之矣今幸邊氛淨靖民氣咸和恭逢聖朝宏開史館詔誥天下郡縣修葺志乘彙

咨採擇以廣皇圖而彰文獻余沾沾喜以為邑志之成其在斯
乎於是約集羣賢商榷籌辦并囑分襄其事眾皆允悅乃推余
以纂修之任余粵嶠寒儒才識謏陋原不敢操此筆削惟謬承
推許勢難固辭爰於案牘之暇日與同事諸公用意搜羅條分
縷晰參互考訂付諸剞劂三閱月告竣於戲考遺蹟於前代舊
章可率不難據事直書獨至年來之增添近日之踵興者日新
月異事蹟紛繁耳目難周兢兢然恐有遺漏然亦祇就見聞所
及者為之補訂以告厥成功已耳後之君子披覽是書果有所
見猶當訂訛正謬留意續修焉可也是為序

光緒元年孟冬月下浣賜進士出身署理長壽縣事即用知縣
文山張永熙謹識於鳳山官廨

長壽縣志原序

長邑濱江為治富全蜀東南之孔道自甲申之後受兵燹者較
僻邑為更甚人民流離幾四十年其文獻之缺無怪也今上御
極之二十四年聲教暨訖海隅日出罔不率俾初徵天下郡縣
志乘以備輶軒之採邑明孝廉王鹿田李傳一先生應詔纂輯
兩先生簪纓累世學有淵源且年俱杖國閱歷久而更事多據
其所目覩耳聞者編次成帙旬日告竣雖文獻散失之餘所存
者僅為千百之什一要不可謂非後人之指南也辛卯夏余視
事長邑披閱志乘見其山川土田人民戶口與夫衣冠文物之

倫亦井然可觀惜纂輯之時戒期迫促凡人物古蹟沿革建置分野開方之類猶有未詳者邑紳士欲余校正之以付剞劂余謝以才識謏陋方束縛於吏事之不暇又何能從事鉛槧以繼前賢後哉邑紳士曰否凡一邑中因革損益闡微表幽使政事之釐然具舉者司民牧者責也用此筆之於書存掌故示昭鑒以今日之釐然者使後日之瞭然獨非司民牧者責乎余應之曰唯歲在甲午有渝州劉君康成者博雅士也為余壬午同年友設帳於長日以詩文相往復因舉邑之舊志與為搜羅考訂凡人物古蹟建置沿革分野之屬按之於書有信而可徵者則

採輯之田疇戶口衣冠文物之倫為年來增添與近日之踵興
者則訂補之凡三閱月而告竣更與邑紳士重加商榷捐俸鐫
梓以慰邑紳士之願焉然余豈敢當校讐之任以繼前賢後哉
亦誠歛前賢之烈不至泯滅故也至耳目未逮之處則為疑殆
之闕如其後考據點定踵事增華尚俟諸博物君子云

康熙五十三年歲次甲午孟秋月荅湖薛祿天題於樂溫官署

備亦其不可觀惜暴殄之時或謂此後凡人物古蹟沿革建置
 分野開方之類猶有未詳者已紳士破金扶正之以付刊刷余
 謝以才疏學陋不足辨於文字之不暇又何能從事鉛槧以繼
 輿地之志三年歲次甲午孟秋月學使韓公新侯猷齋樂為之
 之翻其集於卷數照後重刊學尚君翁新而後示昭鑒
 亦益照有譽於無休佳亦如斯通鑑事自斥類亦直慎金程故
 軒如器偶與生多難為難泰風成富蘇學文至為除前實難將
 奉提帳卷長生三簡長編卷幾更集通鑑名重垂高難難將
 轉錄多由書局是亦蘇文蘇文之命書亦奉書有應而可致其則

長壽縣志

舊志凡例六條

一長壽自宋熙寧迄元併歸涪州故人物多載涪陵古志今考名儒如譙定夏淵賈長卿輩所居屬境內者方為編入非因小邑荒陋借材於楚也

一志中凡纂錄必注云見某書懼杜撰也

一國號官爵甲子之類無可考者甯缺之余心至慎焉

一邑中世家大族多從滇黔避亂歸故家乘年譜蕩然無存至有子孫不能名其祖父者甚可慨也志中凡科第等項

志因舊志纂錄其中或有緣飾失真先後失序者固無從
考核然亦不任咎也

一邑因亂播遷前賢著作大半灰燼凡邑人詩文雖不關邑
事者亦必登載從程篁墩新安文獻志例也

一邑經甲申之變文獻無徵邑乘難於創始先獲明孝廉王
孝二先生所纂舊志於生員李世奇家其中門戶未分租
具梗概而已後得渝中年友劉君康成設帳於長共為搜
羅考証援據甚多是書之成余與劉君有將伯之助焉不
敢專美也

祿天識

續增凡例六條

- 一舊志未明綱目似無統紀今為綱二目十與地綱中建置山川田賦學校祠祀繫之人物綱中職官先哲選舉列女藝文繫之各條細目分綴十目下度表領之可繫
- 一舊志已詳者悉從原本不敢擅有增減恪遵文獻也
- 一舊志有謬誤者復加更正亦考據徵實之意前賢當不余咎也

一人物志中事實藝文凡現在者概不收入以杜請託瞻徇

之弊從全蜀藝文志例也

一舊志距今百六十年未繼續修上年府志採補人物今訪聞事實稍有異同悉存之若余所登則如韓公淶琴李公魯生二人大節凜然據實彙傳其餘不遽登載

一志中割股諸條於全受全歸之道實有未合故不載旌表之例但舊志已錄未便輕刪觀者慎勿視為可法可傳致啟戕生之弊

永熙識

重修凡例八條